

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, br: 17/00, 1/05, 11/06, 13/11 i 15/17), a u vezi sa članom 77. stav 2. Zakona o izvršenju Budžeta Tuzlanskog kantona za 2024. godinu („Službene novine Tuzlanskog kantona“ broj : 3/24) Vlada Tuzlanskog kantona na sjednici održanoj dana \_\_\_\_2024. godine, d o n o s i:

**PROGRAM**  
**o utvrđivanju uslova, kriterija i postupaka za raspodjelu sredstava**  
**Budžeta Tuzlanskog kantona za 2024. godinu „Podrška povratku prognanih lica“**

**I**

Ovim Programom utvrđuje se uslovi, kriteriji i postupak raspodjele sredstava Budžeta Tuzlanskog kantona za 2024. godinu - Podrška povratku prognanih lica (u daljem tekstu Program) u iznosu od 1.500.000,00 KM (slovima: milionpetstotinahiljada konvertibilnih maraka).

**II**

**Program raspodjele sredstava obuhvata:**

- |                                                                                                                             |               |
|-----------------------------------------------------------------------------------------------------------------------------|---------------|
| - subvenciju drugim nivoima vlasti u slučaju potreba za hitnim intervencijama u zonama povratka i kolektivnim centrima      | 925.000,00 KM |
| - subvenciju neprofitnim organizacijama, privatnim preduzećima i poduzetnicima za njihove aktivnosti na pomoći povratnicima | 73.000,00 KM  |
| - subvenciju privatnim preduzećima                                                                                          | 10.000,00 KM  |
| - sufinansiranje troškova readmisije ranjivih readmisiranih osoba koje se vraćaju po osnovu sporazuma o readmisiji          | 30.000,00 KM  |
| - subvenciju prevoza učenika povratničke populacije za općinu Srebrenica                                                    | 50.000,00 KM  |
| - subvenciju troškova smještaja studenata sa područja povratničkih općina RS-a                                              | 100.000,00 KM |
| - subvenciju troškova rada pokretne ambulante u povratničkim općinama                                                       | 12.000,00 KM  |
| - subvenciju doprinosa privatnim preduzećima i poduzetnicima za zapošljavanje povratnika                                    | 300.000,00 KM |

**III**

Sredstva iz tačke II. stav 1. alineja 1. ovog Programa predviđena za „Subvencija drugim nivoima vlasti u slučaju potreba za hitnim intervencijama u zonama povratka i kolektivnim centrima“ koja realizuje Ministarstvo za rad, socijalnu politiku i povratka TK-a (u daljem tekstu Ministarstvo) u iznosu od 925.000,00 KM u slučaju potrebe za hitnim intervencijama u zonama povratka i kolektivnim centrima dodjeljivat će se općinama/gradu za rješavanje problema u zonama povratka i kolektivnim naseljima gdje borave raseljene osobe.

Uslovi za dodjelu sredstava:

- da se radi o povratničkim mjesnim zajednicama/naseljima/udruženjima u kojima žive, odnosno, čiji su članovi povratnici ili

- da se radi o kolektivnim naseljima u kojima je potrebna intervencija na infrastrukturnim objektima i objektima kolektivnog stanovanja.

Ministarstvo će Odlukom definisati visinu donacije po zahtjevu općine/opštine/grada/mjesne zajednice/udruženja za ove namjene.

Uz zahtjev općine/opštine/gradovi/mjesne zajednice/udruženja obavezni su ispuniti osnovne kriterije i dostaviti sljedeću prateću dokumentaciju:

- pismeni zahtjev mjesne zajednice ili naselja/udruženja upućen općini/gradu ili zahtjev općine/grada u ime mjesne zajednice/udruženja,
- saglasnost o prioritetu općine/grada po podnesenom zahtjevu,
- dokaz izdat od općine/grada da se radi o povratničkom naselju ili kolektivnom centru i
- predračun koji se tiče vrijednosti planiranih radova.

Ministarstvo će vršiti odabir korisnika sredstava na osnovu sljedećih posebnih kriterija:

- broj mjesnih zajednica/naselja koja povezuje korisnike projekta,
- broj povratnika/raseljenih lica, korisnika projekta,
- sufinansiranje projekta iz drugih izvora i
- ocjena društvene važnosti projekta.

Ministarstvo donosi Odluku o dodijeli sredstava u kojoj će odrediti visinu finansijskih sredstava na osnovu dostavljene dokumentacije. Pri donošenju Odluka Ministarstvo će voditi računa o Zaključku Vlade TK broj 02/1-05-36064/19 od 10.12.2019. godine. Na Odluku Ministarstva Vlada Tuzlanskog kantona daje suglasnost.

Rok za pravdanje utroška odobrenih sredstava utvrdit će se Odlukom o odobravanju sredstava.

#### IV

Sredstva iz tačke II. stav 1. alineja 2. ovog Programa predviđena za „Subvenciju neprofitnim organizacijama, privatnim preduzećima i poduzetnicima za njihove aktivnosti na pomoći povratnicima“ u realizaciji Ministarstva za rad, socijalnu politiku i povratka TK-a u iznosu od 73.000,00 KM bit će raspoređena kao pomoć za potrebe sufinansiranje troškova po programu rada neprofitnih organizacija, „Transferi neprofitnim organizacijama za aktivnosti na pomoći povratnicima“, a dodjeljivat će se na osnovu zahtjeva u vidu bespovratnih sredstava za sufinansiranje troškova po programu rada za tekuću godinu s ciljem jačanja ekonomskog stanja povratnika kao što su:

- organizacija seminara u oblasti poljoprivredne ili neke druge proizvodnje,
- organizovanje stručnih sastanaka sa predstavnicima resornih ministarstava sa ciljem rješavanja statusnih pitanja problema u mjestima povratka ili sastanaka sa potencijalnim donatorima,
- organizacija skupova povratničke populacije radi unapređenja uslova boravka, života i rada u povratničkim mjestima,
- sanacija i izgradnja infrastrukturnih objekata i
- realizacija programskih zadataka i vanredno nastalih problema u povratničkoj populaciji.

Pravo učešća imaju udruženja koja su registrovana u Ministarstvu pravosuđa i uprave Tuzlanskog kantona, kao i udruženja koja su registrovana u skladu sa zakonom na entitetskom ili državnom nivou, a koja imaju sjedište, djeluju i rade na području Tuzlanskog kantona i opština Republike Srpske koje gravitiraju Tuzlanskom kantonu koja redovno održavaju godišnje skupštine, sačinjavaju izvještaj o radu i predaju završne račune.

### **Potrebna dokumentacija:**

- pismeni zahtjev za dodjelu sredstava,
- rješenje o upisu u Registar udruženja (original ili ovjerena kopija)
- izvještaj o radu za prethodnu godinu
- izvještaj o poslovnom uspjehu za 2023. godinu (bilans stanja i bilans uspjeha) i
- program rada za 2024. godinu.

Ministarstvo donosi Odluku o dodijeli sredstava u kojoj će odrediti visinu finansijskih sredstava na osnovu dostavljene dokumentacije. Na Odluku Ministarstva Vlada Tuzlanskog kantona daje suglasnost.

Rok za pravdanje utroška odobrenih sredstava utvrdit će se Odlukom o odobravanju sredstava.

### **V**

Sredstva iz tačke II. stav 1. alineja 3. predviđena za „Subvenciju privatnim preduzećima“ u cilju podrške povratku prognanih lica u iznosu od 10.000,00 KM, dodjeljivat će se na osnovu zahtjeva u vidu bespovratnih sredstava za sufinansiranje troškova po programu rada i zapošljavanja za tekuću godinu s ciljem jačanja ekonomskog stanja povratnika.

Pravo na dodjelu sredstava imaju pravna lica (privatna poduzeća, obrtnici i zadruge) koja imaju registrovanu poslovnu djelatnost kod nadležnog organa, koja imaju sjedište, djeluju i rade na području Tuzlanskog kantona i općina Republike Srpske koje gravitiraju Tuzlanskom kantonu.

Uz zahtjev, privatna preduzeća su obavezna ispuniti osnovne kriterije i dostaviti sljedeću prateću dokumentaciju:

- pismeni zahtjev,
- izvještaj o poslovnom uspjehu za 2023. godinu (bilans stanja i bilans uspjeha),
- dokaz da se radi o pravnom licu koju ima sjedište u povratničkom naselju i
- predračun koji se tiče vrijednosti planiranih aktivnosti.

Navedena dokumentacija se izuzima u slučaju udruživanja sredstava sa drugim nivoima vlasti kada postoji Sporazum o zajedničkom ulaganju u infrastrukturni objekat.

Ministarstvo donosi Odluku o dodijeli sredstva u kojoj će odrediti visinu finansijskih sredstava na osnovu dostavljene dokumentacije. Na Odluku Ministarstva, Vlada Tuzlanskog kantona daje suglasnost.

Rok za pravdanje utroška odobrenih sredstava utvrdit će se Odlukom o odobravanju sredstava.

### **VI**

Sredstva iz tačke II. stav 1. alineja 4. predviđena ovim Programom u iznosu od 30.000,00 KM, mogu koristiti gradovi i općine Tuzlanskog kantona, koji uz zahtjev za sufinansiranje troškova readmisije ranjivih readmisiranih osoba koje se vraćaju po osnovu Sporazuma o readmisiji, prilože validne dokaze da su izvršile readmisiju ranjive readmisirane osobe ili više njih koji se vraćaju po osnovu Sporazuma o readmisiji.

Pod validnim dokazima smatraju se:

1. Zahtjev za sufinansiranje troškova,
2. Narativni izvještaj grada ili općine o izvršenoj readmisiji na području Tuzlanskog kantona i
3. Validni računi kojima se dokazuju nastali troškovi pri readmisiji ranjive readmisirane osobe ili više njih koji se vraćaju po osnovu sporazuma o readmisiji, navedeni u narativnom izvještaju.

Ministarstvo će odrediti visinu finansijskih sredstava na osnovu dostavljene dokumentacije. Sredstva za troškove readmisije ranjivih readmisiranih osoba, koristit će se na osnovu Odluke

Ministarstva o sufinansiranju troškova readmisije ranjivih readmisiranih osoba koje se vraćaju po osnovu sporazuma o readmisiji u 2024. godini. Ministarstvo će donositi Odluke o sufinansiranju troškova readmisije po ovom Programu, a po prispjelim zahtjevima gradova i općina sve do potpunog utroška sredstava predviđenih Programom.

## VII

Sredstva iz tačke II. stav 1. alineja 5. ovog Programa predviđena za „Subvenciju prevoza učenika povratničke populacije za općinu Srebrenica“ koja realizuje Ministarstvo za rad, socijalnu politiku i povratka TK-a u iznosu od 50.000,00 KM za subvencije općini Srebrenica za prevoz učenika osnovnih i srednjih škola opštine Srebrenica, dodijeljivat će se na osnovu zahtjeva u vidu bespovratnih sredstava za sufinansiranje troškova po programu rada ustanova koje se bave prijevozom učenika od kuće do škola. Ministarstvo će odrediti visinu finansijskih sredstava na osnovu dostavljene dokumentacije.

Sredstva za prijevoz učenika, koristit će se na osnovu Odluke, Ministarstva o sufinansiranju troškova prijevoza učenika u 2024. godini.

Ministarstvo će donositi Odluke o sufinansiranju troškova prevoza učenika po ovom Programu, a po prispjelim zahtjevima općine Srebrenica na osnovu zaključenog zajedničkog Sporazuma za troškove koji su nastali prevozom učenika iz reda povratničke populacije. Na Odluku ministarstva saglasnost daje Vlada TK-a.

## VIII

Sredstva iz tačke II. stav 1. alineja 6. ovog Programa predviđena za „Subvenciju troškova smještaja studenata sa područja povratničkih općina RS-e“ koji potiču sa područja povratničkih opština RS-e (Doboj, Modriča, Vukosavlje, Lopare, Ugljevik, Bijeljina, Zvornik, Šekovići, Osmaci, Milići, Vlasenica, Bratunac i Srebrenica) a studiraju na području FBiH, će realizovati Ministarstvo za rad, socijalnu politiku i povratka TK-a u iznosu od 100.000,00 KM, a dodjeljivat će se putem **javnog poziva** studentima povratnicima iz RS-a koji studiraju u FBiH u vidu bespovratnih sredstava za sufinansiranje troškova smještaja u studentskim domovima.

Pravo učešća imaju studenti koji ispunjavaju opće kriterije-uslove.

### **Uslovi - opći kriteriji za dodjelu finansijskih sredstava:**

1. Da je student državljanin Bosne i Hercegovine,
2. Da studira na području FBiH,
3. Da ima status povratnika, odnosno, da se roditelj nalazi u satusu povratnika,
4. Da je u statusu redovnog studenta prvog ili drugog ciklusa studija Univerziteta u FBiH,
5. Da je položio sve ispite iz prethodnih godina studija, odnosno, dao uslov za upis u narednu studijsku godinu i
6. Da ima otvoren transakcijski račun banke.

Izbor korisnika će se vršiti putem posebnih kriterija.

### **Posebni kriteriji za dodjelu sredstava:**

1. Visina prosjeka ocjena ostvarena u prethodim godinama studija, odnosno, prethodne četiri godine redovnog školovanja-srednja škola (student prve godine),
2. Upisana godina studija,
3. Rezultati ostvareni na takmičenjima iz nastavnih predmeta koji se izučavaju ili pripadaju naučnoj oblasti na studijskom programu,
4. Kućna lista zajedničkog domaćinstva.

### **Potrebna dokumentacija:**

1. Prijava na javni konkurs,
2. Uvjerenje o državljanstvu,

- 3.Uvjerenje da je na Univerzitetu, u tekućoj akademskoj godini, upisao studijsku godinu i da se nalazi u statusu redovnog studenta,
- 4.Uvjerenje o ostvarenom prosjeku ocjena ostvarenom u svim godinama studija koje prethode godini studija upisanoj u akademskoj godini, izdato od strane Univerziteta, ili prosjek za prethodne četiri godine redovnog školovanja-srednja škola,
- 5.Dokaz da kandidat/roditelj ima status povratnika u lokalnoj zajednici u kojoj ima prebivalište,
- 6.Dokaz o ostvarenim nagradama na takmičenjima,
- 7.Kućna lista,
- 8.Kopija LK i bankovnog transakcijskog računa i
- 9.Druga dokumentacija koja će biti određen tekstom konkursa.

Kandidat dostavlja navedenu dokumentaciju (u originalu ili ovjerenj kopiji).

### **Kandidati će biti ocijenjivani po osnovu posebnih kriterija na slijedeći način:**

1.Visina prosjeka ocjena ostvarena u prethodim godinama studija, odnosno, prethodne četiri godine redovnog školovanja-srednja škola (student prve godine):

Prosjek 5	8 bodova
Prosjek 4,5 do 4,9	6 bodova
Prosjek 3,5 do 4,4	4 bodova
Prosjek 2,5 do 3,4	3 bodova
Prosjek 1,5 do 2,4	1 bod

2.Upisana godina studija:

Student pete godine studija - pos.dipl.stud.	5 bodova
Student četvrte godine studija	4 bodova
Student treće godine studija	3 bodova
Student druge godine studija	2 bodova
Student prve godine studija	1 bod

3.Visina prosjeka ocjena ostvarena u svim godinama studija koje prethode godini studija upisanoj u akademskoj godini:

Prosjek 10	10 bodova
Prosjek 9,5 do 9,9	8 bodova
Prosjek 8,5 do 9,4	6 bodova
Prosjek 7,5 do 8,4	5 bodova
Prosjek 6,5 do 7,4	4 bodova
Prosjek 6 do 6,4	2 boda

4.Rezultati ostvareni na takmičenjima iz nastavnih predmeta koji se izučavaju ili pripadaju naučnoj oblasti na studijskom programu:

Ostvareno prvo mjesto	7 bodova
Ostvareno drugo mjesto	6 bodova
Ostvareno treće mjesto	5 bodova

5.Kućna lista:

Za svakog člana domaćinstva po 5 bodova.

Na osnovu Konačne rang liste ministar će sa kandidatima zaključiti ugovor kojim se uređuju međusobna prava i obaveze.

Iznos sredstava za potencijalne korisnike će biti dodijeljen do 50% od iznosa koji plaćaju studenti u studentskim domovima a koji neće prelaziti iznos od 1.500,00 KM za period tekuće studijske godine.

## IX

Sredstva iz tačke II. Stav 1. alineja 7. Ovog Programa predviđena za „Subvenciju troškova rada pokretne ambulante u povratničkim općinama“ će realizovati Ministarstvo za rad, socijalnu politiku i povratka TK-a u iznosu od 12.000,00 KM a dodijeljivaće se za sufinansiranje troškova rada terenske ambulante JZU Dom zdravlja Srebrenica.

Sredstva će se dodijeljivati na osnovu zahtjeva u vidu bespovratnih sredstava za sufinansiranje troškova po programu rada ustanova koje se bave pokretnim ambulantom prilikom pružanja zdravstvenih usluga povratnicima u udaljenim ruralnim mjestima i mjestima sa lošom komunikacijskom infrastrukturom.

Sredstva za troškove rada pokretne ambulante koristit će se na osnovu Odluke Ministarstva o sufinansiranju troškova pruženih zdravstvenih usluga povratnicima u 2024. godini. Ministarstvo će donositi Odluke o sufinansiranju troškova zdravstvenih usluga po ovom Programu, a po prispjelim zahtjevima sa predračunskom vrijednošću troškova nastalih pružanjem zdravstvenih usluga povratničkoj populaciji. Na Odluku Ministarstva saglasnost daje Vlada TK-a.

## X

Sredstva iz tačke II. stav 1. alineja 8. ovog Programa predviđena za „Subvenciju doprinosa privatnim preduzećima i poduzetnicima za zapošljavanje povratnika“ u povratničkim opštinama RS-e koje gravitiraju Tuzlanskom kantonu gdje je aktivan manjinski povratak će realizovati Ministarstvo za rad, socijalnu politiku i povratka TK-a u iznosu od 300.000,00 KM, a dodjeljivat će se putem **javnog poziva** privatnim poduzećima i obrtnicima u vidu bespovratnih sredstava za sufinansiranje zapošljavanja povratnika. Pravo učešća imaju pravna lica koja ispunjavaju opće kriterije.

### Opći kriteriji:

- pravo učešća imaju pravna lica (privatna poduzeća i obrtnici) koja imaju registrovanu poslovnu djelatnost kod nadležnog organa, koja imaju sjedište, djeluju i rade na području općina/gradova Republike Srpske: Doboj, Modriča, Vukosavlje, Lopare, Ugljevik, Bijeljina, Zvornik, Šekovići, Osmaci, Milići, Vlasenica, Bratunac i Srebrenica, a žele primiti u radni odnos određen broj nezaposlenih osoba sa statusom povratnika,
- da su u pitanju pravna lica koja redovno izmiruju obaveze po osnovu poreza i doprinosa,
- da povratnik koji će se primiti u radni odnos mora biti nezaposleno lice prijavljeno na evidenciji biroa za zapošljavanje najmanje 3 mjeseca unazad računajući od dana objave javnog poziva,

### Potrebna dokumentacija:

- prijava za učešće na javnom pozivu,
- rješenje o upisu u Sudski registar –rješenje o registraciji (original ili ovjerena kopija),
- uvjerenja od nadležne poreske uprave o porezima i doprinosima koje ne može biti starije od mjesec dana (original ili ovjerena kopija), izmireni porezi i doprinosi ne smiju biti stariji od 2 (dva) mjeseca od dana prijave na javni oglas,
- broj transakcijskog računa otvoren kod poslovne banke,
- spisak zaposlenih lica (listu osiguranih lica za obveznika) u periodu zadnja 3 mjeseca, izdat i ovjeren od strane nadležne poreske uprave,
- predugovor potpisan sa nezaposlenim licem – povratnikom,

- potvrda sa biroa za zapošljavanje da se povratnik nalazi na evidenciji biroa za zapošljavanje,
- potvrda nadležnog organa za lice koje se zapošljava da je povratnik,
- bilans stanja i uspjeha za prethodnu godinu (original ili ovjerena kopija) i
- garancija banke za odobrena sredstva za korisnike sa kojima se potpiše ugovor.

Izbor korisnika pomoći će se vršiti putem posebnih kriterija.

### **Posebni kriteriji:**

#### **BROJ POVRATNIKA**

- |                                      |     |          |
|--------------------------------------|-----|----------|
| - broj povratnika koje će zaposliti: | 5   | 5 bodova |
|                                      | 3-4 | 3 boda   |
|                                      | 1-2 | 1 bod    |

#### **VRIJEME PROVEDENO NA BIROU**

- |                                                               |         |          |
|---------------------------------------------------------------|---------|----------|
| - povratnici koji se zapošljavaju proveli na birou-ukupno g.: | 10 g.   | 5 bodova |
|                                                               | 5-10 g. | 3 boda   |
|                                                               | 1-4 g.  | 1 bod    |

#### **PRIPADNOST NEKOJ OD SOCIJALNIH KATEGORIJE**

- |                                                                                                                                           |  |          |
|-------------------------------------------------------------------------------------------------------------------------------------------|--|----------|
| - povratnik je iz socijalne kategorije - dokaz od nadležne institucije (porodica poginulih, RVI, demobilisan borac, hendikepirane osobe): |  |          |
| po uposleniku:                                                                                                                            |  | 5 bodova |

#### **VRSTA DJELATNOSTI KOJU OBAVLJA PODNOSILAC PRIJAVE**

- |                                                                |                            |          |
|----------------------------------------------------------------|----------------------------|----------|
| - podnosilac prijave se bavi poslovnom djelatnosti iz oblasti: |                            |          |
|                                                                | Proizvodnje                | 5 bodova |
|                                                                | Poljoprivreda i stočarstvo | 4 boda   |
|                                                                | Usluga i zanatstvo         | 3 boda   |
|                                                                | Trgovine i ugostiteljstva  | 1 bod    |

#### **VREMENSKI PERIOD NA KOJI ĆE SE ZAPOSлити POVRATNIK**

- |                                                         |             |          |
|---------------------------------------------------------|-------------|----------|
| - podnosilac prijave će zaposliti povratnike na period: | do 3 godine | 5 bodova |
|                                                         | do 2 godine | 3 boda   |
|                                                         | do 1 godine | 1 bod    |

Obaveza podnosioca prijave je da povratnika/povratnike zaposli najmanje na period od 12 do 24 mjeseca. Sredstva za zapošljavanje jednog povratnika iznose do 7.200,00 KM. Maksimalan broj povratnika koje pravno lice može zaposliti a za koje će Ministarstvo dodijeliti sredstva je 5 (pet). Dodijeljena sredstva poslodavcu ne ograničavaju mogućnost poslodavca da može uplatiti veći iznos poreza i doprinosa uposlenika po osnovu većih plaća.

Sa odabranim korisnicima Ministarstvo će potpisati pojedinačne ugovore, u kojem će biti navedeno iznos sredstava, namjena i rok za pravdanje.

## **XI**

Sredstva za namjene iz tačke II ovog Programa utvrđena su u 23 razdjelu Budžeta Tuzlanskog kantona za 2024. godinu, glava 04, potrošačko mjesto 0001 – Podrška povratku prognanih lica, ekonomski kod:

- za sredstva iz tačke II. stav 1. alineja 1. - 615100 - Kapitalni transferi drugim nivoima vlasti i fondovima,

- za sredstva iz tačke II. stav 1. alineja 2. - 615300 - Kapitalni transferi neprofitnim organizacijama,
- za sredstva iz tačke II. stav 1. alineja 3. - 615500 - Kapitalni transferi privatnim preduzećima i poduzetnicima,
- za sredstva iz tačke II. stav 1. alineja 4. - 614100 - Tekući transferi drugim nivoima vlasti i fondovima,
- za sredstva iz tačke II. stav 1. alineja 5. - 614100 - Tekući transferi drugim nivoima vlasti i - fondovima,
- za sredstva iz tačke II. stav 1. alineja 6. - 614200 - Tekući transferi pojedincima,
- za sredstva iz tačke II. stav 1. alineja 7. - 614400 - Subvencija javnim preduzećima i
- za sredstva iz tačke II. stav 1. alineja 8. - 614500 - Subvencija privatnim preduzećima ipoduzetnicima.

## **XII**

Za izvršenje ovog Programa zadužuje se Ministarstvo za rad, socijalnu politiku i povratak i Ministarstvo finansija Tuzlanskog kantona u skladu sa odredbama Zakona o izvršenju Budžeta Tuzlanskog kantona za 2024. godinu.

## **XIII**

Program stupa na snagu danom donošenja i bit će objavljen u „Službenim novinama Tuzlanskog kantona“.

**BOSNA I HERCEGOVINA**  
**Federacija Bosne i Hercegovine**  
**Tuzlanski kanton**  
**VLADA**

**PREMIJER KANTONA**  
**Irfan Halilagić**

**Broj: 02/1\_\_\_\_\_ /24**  
Tuzla, \_\_\_\_\_ 2024. godine

## OBRAZLOŽENJE

Na osnovu člana 19. Zakon o raseljenim osobama i povratnicima u Tuzlanski kanton i izbjeglicama iz Bosne i Hercegovine („Službene novine Tuzlanskog kantona“ br. 2/06 i 15/11) Ministarstvo za rad, socijalnu politiku i povratak je predložilo u Budžetu za 2024. godinu, a Vlada i Skupština Tuzlanskog kantona prihvatile budžetske stavke za sufinansiranja „Podrške povratku prognanih lica“ na području TK-a i 13 općina RS-e, (Doboj, Modriča, Vukosavlje, Lopare, Ugljevik, Bijeljina, Zvornik, Šekovići, Osmaci, Milići, Vlasenica, Bratunac i Srebrenica) koje gravitiraju TK-a u iznosu od 1.500.000,00 KM.

Raspodjela sredstava obuhvata:

1. Prema iskazanim potrebama za hitne intervencije na oštećenoj i dotrajaloj infrastrukturi u zonama povratka i objektima u kolektivnim naseljima koji su neophodni za pružanje minimuma uslova za smještaj raseljenih lica, predlažemo iznos sredstava od 925.000,00 KM, za koji smatramo, na osnovu dosadašnjih prispjelih aplikacija, da će djelimično zadovoljiti potrebe općina/gradova, gdje su aktivni manjinski povratci u 2024. godini.

Ministarstvo za rad, socijalnu politiku i povratak (u daljem tekstu: Ministarstvo) će Odlukom definisati visinu donacije po zahtjevu općine/opštine/grada/mjesne zajednice/udruženja za ove namjene. Na Odluku Ministarstva Vlada Tuzlanskog kantona daje suglasnost.

2. Obzirom na značajnu ulogu u procesu povratka i stvaranju boljeg ambijenta povratničke egzistencije, ovim programom predlažemo sredstva u iznosu od 73.000,00 KM za subvenciju neprofitnim organizacijama, privatnim preduzećim i poduzetnicima za njihove aktivnosti na pomoći povratnicima. U realizaciji Ministarstva za rad, socijalnu politiku i povratka TK-a sredstva će bit raspoređena kao pomoć za potrebe sufinansiranje troškova po programu rada neprofitnih organizacija, „Transferi neprofitnim organizacijama za aktivnosti na pomoći povratnicima“, a dodjeljivat će se na osnovu zahtjeva u vidu bespovratnih sredstava za sufinansiranje troškova po programu rada za tekuću godinu s ciljem jačanja ekonomskog stanja povratnika kao što su:

- organizacija seminara u oblasti poljoprivredne ili neke druge proizvodnje,
- organizovanje stručnih sastanaka sa predstavnicima resornih ministarstava sa ciljem rješavanja statusnih pitanja problema u mjestima povratka ili sastanaka sa potencijalnim donatorima,
- organizacija skupova povratničke populacije radi unapređenja uslova boravka, života i rada u povratničkim mjestima,
- sanacija i izgradnja infrastrukturnih objekata i
- realizacija programskih zadataka i vanredno nastalih problema u povratničkoj populaciji.

Ministarstvo će donositi Odluke o dodijeli sredstava u kojoj će odrediti visinu finansijskih sredstava na osnovu dostavljene dokumentacije. Na Odluke Ministarstva, Vlada Tuzlanskog kantona daje suglasnost.

3. Finansijska sredstva predviđena za „Subvencije privatnim preduzećima u cilju podrške povratku prognanih lica“ u iznosu od 10.000,00 KM, dodjeljivat će se na osnovu zahtjeva u vidu bespovratnih sredstava za sufinansiranje troškova po programu rada i zapošljavanja za tekuću godinu s ciljem jačanja ekonomskog stanja povratnika.

Pravo na dodijelu sredstava imaju pravna lica (privatna poduzeća, obrtnici i zadruge) koja imaju registrovanu poslovnu djelatnost kod nadležnog organa, koja imaju sjedište, djeluju i rade na području Tuzlanskog kantona i općina Republike Srpske koje gravitiraju Tuzlanskom kantonu.

U skladu sa zahtjevima, Ministarstvo će donositi Odluku o dodijeli sredstva u kojoj će odrediti visinu finansijskih sredstava na osnovu dostavljene dokumentacije. Na Odluku Ministarstva, Vlada Tuzlanskog kantona daje suglasnost.

4. Na osnovu Sporazuma između Europske zajednice i Bosne i Hercegovine o readmisiji osoba koje borave bez dozvole ("Službeni glasnik BiH - Međunarodni ugovori", br. 13/07) i drugih bilateralnih sporazuma o readmisiji, Strategije za prihvatanje i integraciju BH državljanina koji se vraćaju po osnovu sporazuma o readmisiji, Protokola o postupanju nadležnih organa u prihvatanju, propratu i privremenom zbrinjavanju ranjivih readmisiranih osoba koje se vraćaju po osnovu sporazuma o readmisiji na koji je Vlada TK dala saglasnost, Ministarstvo za rad, socijalnu politiku i povratak Tuzlanskog kantona je predložilo u Budžetu za 2024. godinu, a Vlada i Skupština Tuzlanskog kantona prihvatile budžetsku stavku za sufinansiranje troškova koji će nastati u procesu readmisije ranjivih kategorija u BiH a koji su imali mjesto prebivališta na području Tuzlanskog kantona, u iznosu od 30.000,00 KM.

Navedeni iznos bi se koristio za sufinansiranje slijedećih konkretnih troškova koji bi nastali na osnovu readmisije lokalnih/općinskih timova za readmisiju: upotreba saniteta (u slučaju potrebe), dnevnice za vozača saniteta, ljekara, obezbjeđenja i drugih neophodnih osoba u zavisnosti od samog slučaja. Za slučaj potrebe uključivanja Centra za socijalni rad troškovi vozača, goriva i dnevnice osoba angažovanih u timu, za slučaj potrebe pravovremenog smještaja, koji je obavezan u trajanju od 6 mjeseci, troškovi električne energije i ogrijeva, a po potrebi i kirije za stanarinu, za slučaj da lice nije osigurano eventualni troškovi liječenja, troškovi izdavanja osobne dokumentacije ako je osoba ne posjeduje i drugi troškovi u zavisnosti od samog slučaja. Sve nastale troškove bi registrovao lokalni Tim za readmisiju koji bi specifikaciju nastalih troškova dostavio Ministarstvu za rad, socijalnu politiku i povratak, a Ministar bi u skladu sa raspoloživim sredstvima Odlukom odobrio finansijska sredstva koja bi bila uplaćena na račun općine/grada koja je realizovala readmisiju.

5. Shodno utvrđenom teškom stanju obrazovnog sistema u Republici Srpskoj i lošeg stanja infrastrukturnih objekata kao i velikoj udaljenosti ruralnih povratničkih mjesta od školskih ustanova, neophodno je obezbjeđiti sredstva koja će realizovati Ministarstvo za rad, socijalnu politiku i povratak TK-a u iznosu od 50.000,00 KM za subvencije općini Srebrenica za prevoz učenika osnovnih i srednjih škola opštine Srebrenica koje će se dodijeljivati na osnovu zahtjeva u vidu bespovratnih sredstava za sufinansiranje troškova po programu rada ustanova koje se bave prijevozom učenika od kuće do škola.

Ministarstvo će donositi Odluke o sufinansiranju troškova prevoza učenika po ovom Programu, a po prispjelim zahtjevima općine Srebrenica na osnovu zaključenog zajedničkog Sporazuma za troškove koji su nastali prevozom učenika iz reda povratničke populacije. Na Odluku ministarstva saglasnost daje Vlada TK-a.

6. Na osnovu utvrđenih podataka o teškom egzistencijalnom stanju povratničke populacije u manjem BiH entitetu, stepena zaposlenosti, visoko školsko obrazovanje povratnika veoma je teško finansirati pa shodno navedenom Ministarstvo je predložilo sredstva za „Subvenciju troškova smještaja studenata“ koji potiču sa područja povratničkih opština RS-e (Doboj, Modriča, Vukosavlje, Lopare, Ugljevik, Bijeljina, Zvornik, Šekovići, Osmaci, Milići, Vlasenica, Bratunac i Srebrenica) a studiraju na području FBiH. Sredstva će realizovati Ministarstvo za rad, socijalnu politiku i povratak TK-a u iznosu od 100.000,00 KM, a dodjeljivati će se putem **javnog poziva** studentima povratnicima iz RS-a koji studiraju u FBiH u vidu bespovratnih sredstava za sufinansiranje troškova smještaja u studentskim domovima. Na osnovu konačne rang liste ministar će sa kandidatima zaključiti ugovor kojim se uređuju međusobna prava i obaveze. Iznos sredstava za potencijalne korisnike će biti dodijeljen do 50% od iznosa koji plaćaju studenti u studentskim domovima a koji neće prelaziti iznos od 1.500,00 KM.

7. Obzirom da je većina povratničke populacije u podmakloj starosnoj dobi, lošeg zdravstvenog stanja i velikoj udaljenosti povratničkih MZ-a od zdravstvenih ustanova Ministarstvo predlaže sredstva u iznosu od 12.000,00 KM a dodijeljivaće se u slučaju potrebe za sufinansiranjem troškova rada terenske ambulante JZU Dom zdravlja Srebrenica.

Ministarstvo za rad, socijalnu politiku i povratka TK-a će realizovati i dodijeljivati sredstva na osnovu zahtjeva u vidu bespovratnih sredstava za sufinansiranje troškova po programu rada ustanova koje se bave pokretnim ambulantom prilikom pružanja zdravstvenih usluga povratnicima u udaljenim ruralnim mjestima i mjestima sa lošom komunikacijskom infrastrukturom. Sredstva za troškove rada pokretne ambulante koristit će se na osnovu Odluke Ministarstva o sufinansiranju troškova pruženih zdravstvenih usluga povratnicima u 2024. godini. Ministarstvo će donositi Odluke o sufinansiranju troškova zdravstvenih usluga a po prispjelim zahtjevima. Na Odluku ministarstva saglasnost daje Vlada TK-a.

8. U cilju poboljšanja egzistencije povratnika, odnosno, opstanka i održivog povratka povratničke populacije kao i zapošljavanja na području prebivališta, predviđena su sredstva za „Subvenciju doprinosa privatnim preduzećima i poduzetnicima za zapošljavanje povratnika“ u povratničkim opštinama RS-e koje gravitiraju Tuzlanskom kantonu gdje je aktivan manjinski povratak. Sredstva će realizovati Ministarstvo za rad, socijalnu politiku i povratka TK-a u iznosu od 300.000,00 KM, a dodjeljivat će se putem **javnog poziva** privatnim poduzećima i obrtnicima u vidu bespovratnih sredstava za sufinansiranje zapošljavanja povratnika.

Obaveza podnosioca prijave je da povratnika/povratnike zaposli najmanje na period od 12 do 24 mjeseca. Sredstva za zapošljavanje jednog povratnika iznose do 7.200,00 KM. Maksimalan broj povratnika koje pravno lice može zaposliti a za koje će Ministarstvo dodijeliti sredstva je 5 (pet). Dodijeljena sredstva poslodavcu ne ograničavaju mogućnost poslodavcu za iznos uplate poreza i doprinosa za uposlenika po osnovu većih plata.

Sa odabranim korisnicima Ministarstvo će potpisati pojedinačne ugovore, u kojem će biti naveden iznos sredstava.

Budući da su finansijska sredstva za navedene namjene obezbjeđena u 23 razdjelu Budžeta Tuzlanskog kantona za 2024. godinu, glava 04, potrošačko mjesto 0001, predlažemo Vladi Tuzlanskog kantona da donese Program kao u prijedlogu.

## OBRADIVAČ

**Ministarstvo za rad, socijalnu politiku i povratak TK-a**